

ՈՒՍՈՒՄՆԱՐԱՆԱԿԱՆ ՎԱՐՉԱԿԱՆ ՅԱՆՉՆԱԺՈՂՈՎԻ

Ո Ր Ո Շ Ո Ւ Մ Ն Ե Ր Ի Ց.

Նիստ Դ. Փետր. 15—16 1893 թ.

Ուսումնարանական Յանձնաժողովս իր ներկայ Դ. նիստում լսեց Գանձակի Ս. Յովհաննէս մայր եկեղեցու տղայոց և օրիորդայ դպրոցների հոգաբարձութեան բողոքը յանուն Ամենապատիւ Տէր Տեղակալի, ընդդէմ թեմական վերատեսուչ Հայր Գեղամեանի, դպրոցների աւագ ուսուցիչների և նոյն եկեղեցու երեցփոխան Նաբաթեանի և այդ գործի մասին եղած քննութիւնը որ կատարել է Գանձակի փոխանորդ Արժ. Պօղոս վարդապետը:

Ա. Բողոք թեմական վերատեսուչի դէմ: Եր նա «միշտ ընդհակառակ կարգադրութիւններ է անում: Բացառապէս մեր խնամքին յանձնուած դպրոցների համար, միջամտելով մինչև անգամ ջլատելու հոգաբարձութեան իրաւունքները», ինչպէս՝ 1. դպրոցի համար նախկին տունը — հոգաբարձութեան նախագահ Թումանեան Գրիգոր աւագ քահանայի անյարմար է համարում և վարձում մի ուրիշ տուն տարեկան 800 ռ. վարձով, մինչդեռ նախկին տանը տրւում էր 450 ռ. թէ որքան անյարմար է դպրոց լինելու համար նոր վարձած — Մելիքեանի նեղ, մութը, խոնավ և խարխուլ սենեակներով տունը, դա ապացուցեց երեցփոխ Նաբաթեանը, որ զեկուցանում է հոգաբարձութեանը թէ կամ առաջարկել պ. Մելիքեանին, նորոգութիւններ անի, կամ վարձել մի նոր տուն «քայքայ սա ի՞նչ կարող էր անել քանի որ տուն վարձուր թեմական վերատեսուչն է եղել, և ահա այդպիսով դպրոցը իւր սուղ միջոցներից տուժում է տարեկան 350 ռուբլի շնորհիւ հայր Գեղամեանցի»:

2. Հոգաբարձութիւնը ուսուցիչ Բագրատ Սուքեասեանի գործունէութիւնից չի գտնում ոչ մի արդիւնք, ուստի և խնդրումէ իւր նախագահի միջոցաւ թեմական վերատեսչին, որ նրան արձակի և նրա տեղ նշանակի Պօղոս Յովհաննէսեանին կամ մի այլ հմուտ անձի, սակայն նա չի ականջ անում. և նոյն իսկ ուս. Սուքեասեանի արած «անհամեստ ցոյցերի» մասին հոգաբարձութեան տուած բողոքից յետոյ հայր վերատեսուչը չէ անում նրան և ոչ մի նկատողութիւն:

3. Աւագ ուսուրիչ Սահակեանի հոգաբարձութեան հասցրած վիրաւորանքի համար՝ հոգաբարձութիւնը բողոքումէ հայր վերատեսչին, որ «բարեհաճեց տուգանքի ենթարկել Սահակեանին 25 ռուբլու և մի քանի օրից յետոյ էլ ներեց նորա յանցանքը և տուգանքը՝ ի նախատինս հոգաբարձութեան»:

4. «Ուսուցիչներից մին չանալով Գեղամեանցին՝ անաղնիւ վարուեց հոգաբարձութեան հետ, պատժուեց զրկուելով պաշտօնից փետր. 10-ին, և ի զուր միջնորդեց հոգաբարձութիւնը Գեղամեանցին, բայց նա հոգաբարձութեան ո՞ր խնդիրն է կատարել, որ կատարէր և այս խնդիրը»:

5. Որ նա «անհնազադ և իրանց պաշտօնին անհաւատարիմ մարդկանց ջանկանումէ հաստատել կրկին իրանց պաշտօնի մէջ» և հոգաբարձութիւնը չըգիտէ «ինչով բացատրել հայր վերատեսչի արգարադատութիւնը, նա հէնց դիտմամբ է կարծես անում այն կարգադրութիւնը, որին գիտէ, որ հոգաբարձութիւնը անհամաձայն է: Նա ցանկանում» որ ինչպէս անցեալ տարի այդ ըմբոստ ուսուցիչները . . . »:

6. «Տնտեսական մասի վերաբերեալ, գրումէ առանձին նամակ Նարաթեանցին, որ չտայ հոգաբարձութեանս դպրոցների նախահաշիւի գումարից ուսուցիչների ռոճիկների համար»:

7. Թեմական վերատեսչի ռոճիկի համար Գանձակի դպրոցներից 300 ռ. վճաբուելու մասին ըստ կարգադրութեան Գեր. առաջնորդի՝ հոգաբարձութիւնը մի տարի վճարումէ, իսկ հետեւեալ տարուայ համար դիմումէ առաջնորդին և խնդրում պակասեցնել այդ վճարը, որը առաջնորդի մահուան պատճառով մնումէ անհե-

տեանք: Բայց թեմական վերատեսուչը «հաճելով՝ հաբաթեանի կամքը կարգադրում է գալրոցներում թռչակները ստանալու մասին, արձակում է տղայոց և օրիորդաց գալրոցների աշակերտները և աշակերտուհիք, ասելով թէ՝ «ով իւր թռչակը չի բերի, արտաքսուած է» և այդպիսով ժողովում է թռչակները՝ և այդ գումարից վճարում է բոլոր ուսուցչայն ուսուցիչները սեպտեմբեր ամսոյ . . . վեր առնում 300 ռուբլի՝ իրեն ուսուցիչ և ճանապարհաճախքի համար:

8. Բողոքում է որ թէ աւագներին և թէ ուսուցիչներին ինքն է նշանակում մինչդեռ միւս ուսուցիչների ընտրութիւնը հոգաբարձութեան և աւագի խորհրդակցութեամբ է լինելու:

Բ. Բողոք աւագ ուսուցիչների և ուսուցիչների դեմ. հոգաբարձութիւնը բողոքում: 1. ուսուցիչ «Բագրատ Սուքիասեանը, ոչ թէ միայն իւր աշհեստը չգիտէ, այլ և իւր առարկայի մէջ չէ ցոյց տուել ոչ մի արդիւնք» և խնդրում թեմական վերատեսուչից արձակել նրան և նրա տեղը նշանակել Գանձակեցի Պօշոս Օհանջանեանին և կամ մի այլ ոքի:

2. Օրիորդայն գալրոյի աւագ ուսուցիչ Միքայէլ Սահակեանցի դէմ որ նա Ս. Լուսաւորիչ եկեղեցու մի դասեան օրիորդաց գալրոցի դասընթացը աւարտողներին նստացնում է ոչ չորրորդ այլ գ. բաժանմունքը: Որի մասին ըստ ծնողաց բողոքի, հոգաբարձութիւնը Սահակեանցի բացատրութիւն է պահանջում, իսկ նա «յանկարծ սկսում է գռեհիկ ոճով» խօսել և ասել «ձեր ի՞նչ գործն է իմ գործի մէջ խառնուելու . . . »:

3. Բր թէ տղայոց և թէ օրիորդաց գալրոցի աշակերտներին ու աշակերտուհիներին «երբէք չեն բերում եկեղեցի, ոչ մի ժամանակ», չեն բերում նաև այն ժամանակ, երբ «հոգաբարձութիւնը հարկից ստիպուած, որ նշանաւոր մարդիկ մեռնում են և կտակում են գումար, թէ Ս. Էջմիածնին, Ճեմարանին և թէ գալրոցներին», ըստ խնդրանաց ննջեցեալների ազգակիցների խնդրում է երկու աւագ ուսուցիչներին բերել եկեղեցի երգեցող աշակերտներին, և դեռ «երկուքը միասին մի սպառնալից նամակ են գրում հոգաբարձութեան»:

4. Որ Աւագ ուսուցիչներ — Միքայէլ Սահակեանը և Արշալոյս Մխիթարեանը՝ անբարեխիղճ մարդիկ են իրենց պաշտօնում, որի մասին գրելով թեմական տեսչին խնդրում են փոխել նրանց երկու բարեխիղճ անձնաւորութիւններով, իսկ նա «կարծես թէ՛ յիշեալ արձանագրութեան մէջ ինքը չէ կարգացել, կամ թէ՛ կանխապէս ինքը գիտակ չէ նրանց ապարդիւն գործունէութեան հետ և չէ նկատել նրանց խռովարար հոգին և ոչ էլ լսել հասարակաց տգեղ կարծիքները և տխուր տպաւորութիւնները» ու նրանց փոխելու յարգելի պատճառ չի գտնում։ Որ նոքա — աւագ ուսուցիչները հոգաբարձութիւն ճանաչում են այն ժամանակ, երբ հարկաւոր է ռոճիկ ստանալ «և խօսք մի արած կառաւարում են դպրոցները ինչպէս որ իրանց կամքն է բարեհաճում, դպրոցի մէջ կարգ, կանոն չկայ, երբ կամենում են սկսում են դասերը, և երբ կամենում արձակում. ժամը 12-ից յետոյ զըպրօցում ոչ ոք չկայ, տօնական արձակուրդներին ու ուղումէ բացակայումէ, մինչև անգամ ամսով և նրանց բաց թողած դասերին համար չկայ և ո՞ր հոգաբարձուն կարող է նրանց նկատել, չէ որ նոքա հոգաբարձու չեն ճանաչում» :

6. Նախկին ուսուցչական խումբերը ներկայացումներ տուել են յօգուտ դպրոցների, իսկ ներկայ խումբը թէև դարձեալ տալիս է ներկայացումներ սակայն «ամսով դասերից զրկում . . . դպրոցի ձեռագործ նիւթեղէնը գործադրում թատրոնական զգեստների վրայ և . . . յօգուտ իրանց գրպանների» և հոգաբարձութիւնը չի կարողանում բողոքել թեմական վերատեսչին գրա գէմ, որովհետև «ձայն բարբառոյ յանապատի է համարւում» :

7. Աւագ ուսուցիչները հախառակ կանոնադրութեան սկսում են քննութիւնները առանց հոգաբարձութեան գիտութեան։ Վերջինս գրումէ նրանց որ հաղորդեն թէ ու որքան դաս է բաց թողել որ դասերի գինը «ըստ այնմ զեղջէ նրանց ռոճիկից» բայց այդ խնդիրը մնում է անկատար։

Գ. Բողոք ընդդէմ երեցփոխ Նաբաթեանի։ Հոգաբարձութիւնը բողոքում է Նաբաթեանի դէմ 1 որ նա տեսնելով ներկայ հո-

գաբարձութեան եռանդուն գործունէութիւնը, նախանձումէ, ուստի միայն թեմական տեսչի հետ խոշնգոտներ է յարուցանում ընդգէմ իր գործունէութեան, և բոլոր ընդհարումները որ տեղի են ունեցել հոգաբարձութեան և թեմական տեսչի ու աւագ ուսուցիչների մէջ համարումէ մեքենայութիւն հոգաբարձութեան գանձապահ նաբաթեանցի: Նրա արած մի մեքենայութիւնն էլ այն է, որ խնդրումէ հոգաբարձութիւնից որ իրենցից մէկին ժամանակաւոր գանձապահ նշանակեն, որովհետեւ ինքը թագու է գնում: Բայց չնայելով որ այդ պաշտօնի համար նշանակումէ հոգաբարձութեան անձնափոխանորդ Յակովբ Տէր Յարութիւնեանը, սակայն «թէ նա ի՞նչ եղանակով է փող ստանում՝ նաբաթեանից . . . դա կատարեալ նահատակութիւն է նրա կողմից»: Եւ երբ ամառուայ արձակուրդներին ուսուցիչներին ռոճիկ պիտի տրուէր, նա ճարահատեալ դիմումէ նաբաթեանի եղբօրը, որը պատասխանումէ թէ «թեմական տեսուչը գրել է իրանց դպրոցական գումարից չտալ հոգաբարձութեանը, այլ ինքներս տանք ուսուցիչներին ռոճիկներ»: որի մասին գրում է հոգաբարձութիւն թեմի վերատեսչին, սակայն նա լռութեամբ է պատասխանում. և որ զղուեցրել է երկու հոգաբարձուի՝ ու նրանք հրաժարուել են Տէր Ներսիսեան և Համասիւիւռեան:

2. Որ նաբաթեան երեցփոխը գաղումէ նուիրատուներից նուիրուած զանազան ժամանակներում 3000 ր. և երբ հոգաբարձութիւնը առանձին № 22 և 35 գրութիւններով խնդրումէ նրանից տեղեկութիւն տալ յիշեալ գումարի մասին, ո՞ւմ մօտ է, ինչքան տօկոս է բերում, որ արձանագրուի հոգաբարձական գործոց մէջ. բայց երեցփոխ նաբաթեանը չի պատասխանում ու զայրանում է, որպէս զի հաշիւ չտայ, գուցէ և այդ գիտմամբ էլ չէ մասնակցում հոգաբարձութեան գործերին:

Վերջ բոլորիս հոգաբարձութիւնը խնդրումէ ամենապատիւ Տէր Տեղակալից անել կարգադրութիւն որ այլ ևս նոյն աւագ ուսուցիչները չնշանակուին, այլ նրանց տեղը երկու ուրիշ հաւատարիմ աւագ ուսուցիչներ, որոց հետ ինքը կարողանայ կազ-

մել կանոնաւոր խումբ դպրոցների անսայթաք յառաջագիմելու համար:

Յանձնաժողովս ի նկատի ունենալով Գանձակի փոխանորդի քննութիւնը և թեմական վերատեսչի նրան ուղղած № 234 հաղորդագրութիւնը, քննեց այդ և գտաւ հետևեալը.

1. Տոն խնդիր. Հոգաբարձութիւնը իր Ամենապատիւ Տէր Տեղակալին տուած խնդրում, բողոքումէ Մելիքեան տան մասին իբր անյարմար և վատ շինութիւն ինչպէս վերը գրեցինք, մինչդեռ նախկին—Թումանեան Գրիգոր քահանայի տունը շատ անգամ աւելի անյարմարութիւններ ունի քան թէ նոր վարձած տունը, ահա այդ. ա. Միւսնոյն նեղ, փոքր և դեռ ուրիշ անյարմարութիւններ ունեցող գաւթում բնակւում է նաև Տէր Հօր ընտանիքը, հարևան գաւթում մի քանի ընտանիք, բացի գրանից միւսնոյն դպրոցական գաւթում ընտանի կենդանիների երթևեկութիւնը. այդ բոլորի վրայ աւելացրած խոհանոցների ծուխը, գոմանոցների բուրմունքը և այլն: Բ. Տէր Հօր տունը գետնայարկ է, խոնավ, նեղ, մթնոտ սենեակներով: Գ. Շատ հեռու է եկեղեցու գաւթում գտնուած տղայոց դպրոցից: Սակայն հակառակ բողոքագրի՝ իր առ փոխանորդն ուղղած գրութեան 30 հոկտ. 1892 թ. № 50-ի մէջ ասում է՝ «Հոգաբարձութիւնս այդ տան մասին չունի ոչինչ տրտունջ կամ պահանջմունք տանուտէր Պ. Մելիքեանցից. իսկ այդ մասին իւր ակնարկութիւնը Ամենապատիւ Տէր Տեղակալին, պատճառը նա է, որ ցոյց տայ թեմական տեսչին Գեղամեանցի ինքնակամ խառնուիլը հոգաբարձական իրաւունքներին, այն է՝ տնտեսական մասին»: Իւր նախորդ գրութեան մէջ ասում է, որ Մելիքեանի տանը վճարում է 350 ռ. աւելի քան նախկին—Հոգաբարձութեան նախագահ Գրիգոր քահանայ Թումանեանցի տանը: Մինչդեռ նոյն Հոգաբարձութեան Գանձակի բարեշնորհ փոխանորդի տուած բացատրութիւնների մէջ խոստովանում է, որ յիշեալ բնակարանի աւերորդ մնացած սենեակները տրւում են քրեհով ուսուցիչներին և այլն. ու այդ 350 ռ. բացը ծածկւում է մասամբ այդ եկամուտով: Առաջին տարին ըստ հոգաբարձութեան ասութեան բե-

րել է տունը վարձ երկու հարիւր տասն և հինգ ռուբլի 50 կ. որի հակառակ թեմական վերատեսչի ներկայացրած փաստերից երևում է որ առաջին տարին բերել է վարձ 370 ռ. (120 ռ. աւագ ուսուցիչ Պ. Պանձուլազեանից. 150 ուս. Գրիգոր Խալաթեանից. 100 ռ. միւս ամուրի ուսուցիչներից), ասել է դեռ 20 ռուբլի էլ զուտ արգիւնք է մնում գալրոցին առաջին տարում, ո՞ւր մնաց թէ 350 ռ. վնաս: Երկրորդ տարին աւելի պակաս վարձ է բերել. սակայն եթէ մըշտ էլ 450 ռ. աւելի թանգ նստի այդ տան վարձը համեմատած Հ. Թումանեանցի տան հետ, դա չի նշանակում թէ գալրոցը նիւթապէս վնասւում է. եթէ Հ. Թումանեանցի գալրոցի համար անյարմար շինութեանը տրւում էր 450 ռ. ինչպէս պահանջել, որ մի ուրիշ շինութիւն, որ նրանից առաւելութիւններ ու յարմարութիւն ունի իբրեւ գալրոցի համար շինութիւն գործեալ նոյնքան վարձով տրուի: Ահա Մելիքեանի տան յարմարութիւններն ու աւաւելութիւնները. 1. ընդարձակ պարսպապատ դասիթ ունի. 2. գետնայարկ չէ. 3. յարմար սենեակներ ունի. 4. շատ աւելի մօտ է տղայոց գալրոցին, որ հնարաւորութիւն է տալիս օրիորդաց գալրոցում դաս ունեցող ուսուցչին առանց դաւից յետ մնալու կարճ ժամանակում հասնել տղայոց գալրոց, և այլն:

Հոգաբարձութիւնը բողոքում է, որ գալրոցի համար Մելիքեանի տունը թեմական վերատեսչուն ինքնակամ է վարձել, մինչդեռ Հայր Գեղամեանի տունը բացազութիւնից Գտնձակի փոխանորդ բարեշնորհ Պօղոս վարդապետին և հոգաբարձութեան ներկայացրած տան պայմանագրի պատճենից երևում է, որ Մելիքեանի հետ պայմանագրին ստորագրել են բացի նախագահ Գրիգոր քահանայ Թումանեանից միւս բոլոր հոգաբարձուները. և այդ էլ հասկանալի է, նա չէր կարող հաշտ աչքով նայել այդ բանի վրայ, չնայելով որ ինքը մի ուրիշ գրութեամբ առ փոխանորդն, ասում է թէ ինքը հակառակ չէ եղել նոր տուն վարձելուն. սակայն հենց այդ — պայմանագրին չստորագրելը — ասացուցանում է որ ինքն է պատճառ զրա դէմ եղած դժգոհութիւնների:

2. Խնդիր յարուցանելով ձայնագրութեան ուս. Բագրատ Սուքիասեանի մասին, շոշափելի պատճառ չի կարողանում ներկայացնել և միևնոյն ժամանակ նեղանում է, որ ուսումնարանական մասի անմիջական հսկող վարչութիւնը առանց հիմնաւոր պատճառի չի արձակում նրան: Բայց այստեղ խնդիրը Սուքիասեանի ընդունակութիւնը կամ անընդունակութիւնը չէ, այլ մի ուրիշ, որ գանձակեցի Պօղոս Սահմանեանցը նախագահին Թումանեանի ջանքերով ուղղում է նորա տեղը բռնել, ուրեմն այստեղ աւելի տեղը Սահմանեանին տալու մտադրութիւն կայ քան ուսուցչի անընդունակութիւն:

3. Թեմական վերատեսուչ հայր Գեղամեանը Սահակեան աւագ ուսուցչի հոգաբարձութեան հասցրած վիրաւորանքի համար հնթարկում է 25 ր. տուգանքի իր հոգաբարձութեան ուղղած 91 Թ. № 828 գրութեամբ և ապա Գանձակ գալով քննում է գործը և գտնում, որ բուն խնդրում—որ աւագ ուսուցչի միջատեան գրպոցի դասընթաց աւարտողներին ընդունում է ոչ չորրորդ այլ երրորդ բաժանմունք—հոգաբարձութեան բողոքը հիմք չունի ուստի և իր № 895 գրութեամբ առաջարկում է հոգաբարձութիւնը 25 ր. տուգանքը ետ չգնէ յիշեալ աւագ ուսուցչի ռոճկից. որի հետ խնդրում է հոգաբարձութիւնից «ամենայն ճշգրութեամբ պահպանել եկեղեցական ծխակ. ուսումնարանների կանոնադրութեան այն յօդուածները (23—41) յաղագս պարտուց և իրաւանց հոգաբարձուաց»—ու զուտ մանկավարժական խնդիրներում աւագների հետ պաշտօնական յարաբերութեան մէջ չմտնել, այլ իրենց գիտողութիւնները ուղղել իրեն—թեմական վերատեսչին:

Նոր աշակերտի ընդունելութեան ժամանակ աւագ ուսուցիչները անշուշտ մանկավարժական ժողովի համաձայնութեամբ պիտի այց կամ այն բաժին նստացեն նոր աշակերտին ըստ նորա պարտատութեան. ուստի և անպայման պարտաւորեցուցիչ չէ ընդունել մի ուրիշ դպրոցից եկած աշակերտին կամ աշակերտուհուն հետեւեալ բաժինը, եթէ փորձով տեսնում են—ուսուցիչները—նրա անպատրաստ լինելը: Արտիկետե Գանձակում պատահած գէպ-

քում քննութիւնից չի երևում թէ Սահակեանը ինքնակամ է արել աշակերտութիւնների ընդունելութիւնը թէ ոչ, ուստի այդ խնդրի մասին Յանձնաժողովս որոշումը թողնում է Սահակեանից բացատրութիւն պահանջելուց յետոյ:

4. Ուսուցիչ Քամուկեանին արձակելիս թեմական տեսուչը ինչպէս գրում է իր № 234 գրութեան մէջ, ունեցել է յարգելի պատճառներ:

5. Հոգաբարձութեան բողոքի ընդդէմ թեմական վերատեսչի, ամենանշանաւոր կէտն այն է, որ նա կարգադրում է անտեսական մասին վերաբերեալ խնդիրներ այն է, տուն վարձել, ինչպէս յիշուեցաւ. և հոգաբարձութեանը արգելք դնելը, որ վերջինս իրագործի իր մտադրութիւնը՝ ուսուցիչներից ոմանց ամառուայ ռոճիկը կտրել կամ բաց թողած դասերի գինը զեղջել և այլն: Քննական գործից Յանձնաժողովս նկատում է, որ ինքը հոգաբարձութիւնն է տեղիք տուել թեմական վերատեսչին արտաքոյ կարգի միջոցների ձեռք առնելուն: Նա երբ տեսնում է, որ հոգաբարձութիւնը, չէ կամենում իւր նախագահի—Թումանեան Գրիգոր քահանայի միանգամայն ուսումնարանի համար անյարմար և անպէտք տանից հեռացնել գտնոցը, ինքը ստիպուած է լինում և ստիպել և մասնակցել նոր տուն վարձելու խնդրում: Երբ նկատում է, որ հոգաբարձութիւնը կամենում է զրկել ուսուցիչներից ոմանց (օր. Խաժալենեանցին) ամառուայ ռոճիկից կամ ոմանց ռոճիկներից զեղջել բաց թողած դասերի համար — որպիսի որոշումներ կարող են կատարումն առնել միմիայն ձեռնհաս իշխանութեան նախընթաց հաստատութեամբ—կարգադրում է, որ գանձապահը ինքը բաժանէ ուսուցիչների ռոճիկը. պարզ տեսնելով — վերատեսուչը — հոգաբարձութեան ձգտումը ինքնակամ որոշումները գործադրելու, որը երևում է հոգաբարձութեան գրութիւններից թեմական վերատեսչին և աւագ ուսուցիչներին:

6. Նոյն հոգաբարձութիւնը զարմանում է, որ թեմական վերատեսուչը իր իրաւունքը գործադրում է: Նա ոչ մի կերպ անբարեխիղճ չի գտնում աւագ ուսուցիչներ—Սահակեանին և Մխիթարեանին, որովհետեւ հոգաբարձութեան բողոքների մէջ նոցա

արձակելու չափ շոշափելի պատճառներ չի ներկայացնում, ուստի և թեմական վերատեսուչը չի համաձայնում առանց պատճառի նրանց արձակել:

7. Հոգաբարձութեան նախագահ Գրիգոր քահանան աւագ ուսուցիչներին անուանում է «ըմբոստ և անբարեխիղճ», քննական գործերից երեւում է, թէ նոքա ըմբոստ և անբարեխիղճ անուանւում են այն պատճառով, որ ընդգիմացել են նրան, երբ նա—նախագահը, թոյլ է տուել իրան առանց մանկավարժական խորհրդի գիտութեան, ինքնագլուխ Կ. ընդունել արձակուած աշակերտին. Բ. դասարան մնացած աշակերտին կամ աշակերտուհուն ինքնակամ փոխադրել, բարձր դասարան նստացնել. Գ. միդասեան դպրոցից բերել երկդասեան: Կնչպէս նա իր աղջկան միդասեան օրիորդաց դպրոցից փոխադրում է երկդասեան դպրոց, և իր չորրորդ բաժանմունքում մնացած որդուն ինքնագլուխ տանում հինգերորդ բաժանմունք և այլն. (թեմ. վերատեսուչ № 234 գրութիւն. առ բարեշնորհ փոխանորդն Գանձակի, որոց մասին բարեշնորհ հօր վկայութիւն է բերում):

8. Թեմական վերատեսուչ հայր Գեղամեանը մեղադրւում է հոգաբարձութիւնից, որ նա ինքնակամ հաւաքել է աշակերտներին թոշակադրամները բաժանել ուսուցիչների ռոճիկները և 300 ռ. էլ վերցրել է իրեն ռոճիկ և ճանապարհածախը:

9. Հոգաբարձութիւնը իր անցած Յունիսի 16 ի նիստում բացակայութեամբ գանձապահ, հոգաբարձու Նաբաթեանի, ղեաղւում է եկող ուսումն. տարուայ խմբի կազմակերպութեան խնդրով: Որոշւում է այդ նիստի արձանագրութեան պատճէնը ուղարկել թեմական վերատեսուչին—ուր նկարագրուած է աւագ ուսուցիչների գործունէութիւնը—և խնդրել, որ նա արձակի իրենց «խնամոց յանձնուած դպրոցների ուսուցչական խումբը ևս և աւագ ուսուցիչներ Արշալոյս Մխիթարեանին և Միքայէլ Սահակեանին: Նշանակելով նրանց տեղը նոր աւագ ուսուցիչների, որոց հետ հոգաբարձութիւնը շուտափոյթ կազմակերպէ նոր ուսուցչական խումբ... հակառակ դէպքում սպառնում է «մերկայումս ներ անել... թեմական տեսչի գործունէութիւնից»: Եւ երբ

Նա—[Թեմական վերատեսուչը չի կատարում հոգաբարձութեան այդ խնդիրը, Նա իր բողոքի մի կէտն էլ դարձնում է այդ: Ինչպէս արդէն ասուեցաւ աւագ ուսուցիչների արձակելու համար քնութիւնից չի երևում մի այնպիսի շոշափելի պատճառ որ Թեմական տեսուչը նոցա այդ խնդիրը յարգէր: Միայն, հոգաբարձութեան բողոքը իրաւացի է, երբ կանոնադրութեան համաձայն Թեմական վերատեսուչը չի թույնում խմբի կազմակերպութիւնը և հոգաբարձութեան և աւագների հայեցողութեանը, այլ ինքն է կարգադրում այդ մասին:

10. Հոգաբարձութեան նախագահը մասնաւորապէս բողոքում է, որ աւագ ուսուցիչների իրեն և հոգաբարձութեան հասցրած վիրաւորանքը մնում է անպատիժ. մինչդեռ քննական գործից երևում է, որ նրանք Թեմական վերատեսչի ներկայութեամբ հոգաբարձական ժողովում ներողութիւն են խնդրում հոգաբարձութիւնից և ի մասնաւորի հայր Թումանեանից և նրա աջը համբուրելով ներումն են ստանում: Բայց չնայելով սրան նորից բողոքում է:

11. Հոգաբարձութիւնը մեղադրում է աւագ ուսուցիչներին, որ աշակերտներին իբր թէ «ամենեւին ոչ մի ժամանակ եկեղեցի չեն տանում» բարեշնորհ փոխանորդի քննութիւնից երևում է «թէ մերթ քնդ մերթ աշակերտեալք և ուսուցիչք յաճախեալ են եկեղեցի և յաճախում են», մեղադրում են նաև բարեգործական նպատակաւ կտականող ննջեցեալների յիշատակը պատուելու համար էլ եկեղեցի չը տանելում:

Ինչպէս գործերից երևում է հայր Թումանեանը իր լաւ ծովների յիշատակը պատուելու համար սովորութիւն ունի աշակերտներին եկեղեցի բերել տալ, և առ հասարակ այն ժամանակ երբ շահ կայ: Նա երբեմն բողոքել է (Թեմ. վերատեսուչ. հոկտ. 8-ի 1892 թ. 231 գրութիւն առ փոխանորդ Գանձակի. գ. կէտ.) որ մեծ տօներին աւելորդ է աշակերտներին եկեղեցի բերել, որովհետև եկեղեցին փոքր լինելու պատճառաւ տեղի մեծ մասը աշակերտներ են բռնում իսկ ժողովրդին տեղ չէ մնում: Թեմական վերատեսուչը այդ խնդրում նրա կամայականութիւն.

ներին վերջ տալու համար իր 1891 թ. սեպ. № 480 շրջաբերականով հրանգներ է տալիս Գանձակի աւագ ուսուցիչներին աշակերտներին եկեղեցի տանելու համար, թէ սովորական և թէ նուիրատու ննջեցեալ պատահած դիպուածում: Այս բանը դուր չգալով նրան, սկսել է ստիպողական միջոցների դիմել, իր ցանկացած ժամանակը աշակերտներին եկեղեցի բերելու, սակայն այդ էլ չյաջողելով, վերոյիշեալ խօսքերով բողոքում է Ամենապատիւ Տէր Տեղակալին: Աւագ ուսուցիչները առաջնորդուած այն շրջաբերականով, ցեխ և անձրևային տօն օրերը եկեղեցի չեն տարել աշակերտներին, ուստի և նախագահի և հոգաբարձութեան բողոքի այդ կէտը հակառակ է իրողութեան և ամենեւին պատուաբեր չէ հոգաբարձութեանը:

12. Հոգաբարձութիւնը բողոքում է, որ դպրոցում կարգ չկայ, ուսուցիչները երբ ուզում այն ժամանակ են յաճախում դպրոց և թէ ժամը 12-ից յետոյ դպրոցում ոչ ոք չի լինում: Նա երեւի մոռացել է, որ մեր դպրոցներում կան ժապաւինեալ օրագրական մատենաներ ուր բաց թողած դասերի քանակութիւնը և բացակայ պաշտօնէից անունները արձանագրում են կիսամեայ և միամեայ տեղեկագրեր և մանկավարժական ժողովի արձանագրութիւններ: Թեմական վերատեսչի միայն տղայոց դպրոցի օրագրական մատենանից քաղած հաշուից երևում է, որ հետևեալ անձինք բացակայել են դպրոցից՝ 1. Յովհաննէս Խաչումեան 2 ժամ յարգելի և 10 ժ. 35 ր. անյարգելի պատճառներով: 2. Միքայէլ Սահակեան յարգելի պատճառով 2 ժամ: 3. Արշալոյս Մխիթարեան յարգելի պատճառով $\frac{1}{2}$ ժամ: անյարգելի 1 ժամ: 4. Գրիգոր Խալաթեան յարգելի պատճառով 8 ժամ: 5. Բագրատ Սուքիասեան 15 ժամ 30 ր. յարգելի պատճառով: Սրիորդաց դպրոցում բացակայել են մօտ 110 դաս ըստ գրութեան փոխանորդի Գանձակի: Խսկ ինչ վերաբերում է ամիսներով բացակայելուն քննական գործից այդպիսի բան չի երևում: Թերևս բոլոր բացակայած դասերը մի ուսուցչի համար մի ամիս հաշուելի, սակայն այդ էլ չկայ: Թեմական տեսչի № 231 գրութիւնից երևում է, որ նա այն էլ զատկական և

Զրօրհնեաց տօներին թոյլագրել է ուսուցիչներին 3—10 օր և ոչ աւելի բացակայել դպրոցներից իր թեմում առ հասարակ և այն էլ իր նախընթաց թոյլտուութեամբ:

13. 18⁹¹/₉₂ ուս. տարեշրջանի ուսուցչական խումբը մեղադրուած էր, որ դասեր են թողել ներկայացումների համար, Ծրնորաց ուսումնարանի իրեղէնները գործ են ածել, փչացրել և յօգուտ իրենց գրպանի: Թեմական վերատեսչի յիշեալ գրութիւնից երևում է, որ ներկայացումների համար ոչ մի ժամ չեն կորցրել, հակառակ հոգաբարձութեան ամբողջ ամիս դասերից զրկուած . . . ի: Իսկ բարեշնորհ փոխանորդի քննութիւնից՝ որ ներկայացումը յօգուտ ուսուցչաց գրպանի չէ եղել, այլ եկամուտը ծախսել են ամսամբ պատրաստութեան . . . հանդերձից և ամսամբ գրեանց և լրագրոց . . . , որից զգեստները 40 րուբլու արժողութեամբ իբրև դպրոցի սեփականութիւն գտնուում է աւագ ուսուցիչ Մխիթարեան Արշալոյսի հսկողութեան տակ. իսկ ի դպրոցական իրեղինաց չեն գործադրեալ և ոչինչ, բացի 5—6 ր. արժողութեամբ կտորեղինաց՝ այն էլ 18⁹⁰/₉₁ թ. ուսուցչաց խմբի տուած մանկական երեկոյթի արդիւնքով առնուած:

14. Յանձնաժողովս ի նկատ առնելով հոգաբարձութեան բողոքի այն կէտը որ քննութիւններին իրեն չեն հրաւիրած ներկայ գտնուելու, գտաւ որ կանոնադրութեան 61 յօդուածի համաձայն հոգաբարձուները անշուշտ պիտի հրաւիրուին ներկայ գտնուելու քննութիւններին:

15. Երեցփոխան Մկրտիչ Նաբաթեանի դէմ բողոքում է հոգաբարձութիւնը իբրև պատճառ այն ապօրինութեան որոնք առաջ բերուեցան: Գործի քննութիւնից երևաց, որ հոգաբարձուներ—Նէրսէս Տէր Ներսիսեանց և Համասփիւռեան հրաժարուել են ոչ զգուած Նաբաթեանի գործունէութիւնից, այլ իրենց սեփական գործերի պատճառով: Փննական գործերից նրա պարտազանց լինելը չի ապացուցուած, այլ դրա հակառակ իր պաշտօնը նա կատարում է բարեխղճութեամբ: Չի ապացուցուած հոգաբարձութեան բողոքի այն կէտը որ վերաբերում է նրա բացակայութեան ժամանակ իր եղբօրից փող ստանալուն, որովհետև հոգա-

բարձութեան գրութիւնները ցոյց են տալիս, որ իր 1891 թուականի Յունիսի 11-ի գրութեան համաձայն Նաբաթեանի եղբայրը նոյն ամսի 12-ին վճարում է պահանջեալ գումարը:

17. Երեցիփոխանը ամբաստանւում է մօտաւորապէս 3000 ռ. գաղելում: Հոգաբարձութիւնը երկու անգամ առանձին գրութեամբ խնդրում է նրանից այդ 3000 ռ. մասին տալ տեղեկութիւն, որ իբրեւ երկու տարուայ ընթացքում ննջեցելոց կտակներից և այլ նուէրներից է գոյացել: Վանձակի փոխանորդի քննութիւնը ցոյց է տալիս որ 3000 ռ. ոչ թէ եղեալ է յընթացս երկուց ամաց, որպէս գրէ ի բողոքագրի իւրում հոգաբարձութիւն, այլ յընթացս գուցէ աւելի քան եօթն ամի որպէս երեւի ի ցուցակէ Հոգեւոր Կառավարութեան գտանելոյ առաջի արարելոց ի հոգաբարձութենէ. որպիսի գումարք յիւրումն ժամանակի ընդ անձեռնմխելի մայր գումարոյն եկեղեցւոյ տուեալ են տօկոսեօք, է որ մասնաւոր անձանց, է որ առաքեալեն ի բանին. տօկոսից որոց խառն ընդ միւսոց գպրոցն ստանայ ըստ տարեկան նախահաշուի . . . »:

Հոգաբարձութիւնը ի 1890 թ. Նոյեմբ. 23-ի № 22 և նախագահի 1892 թ. Մայիսի 26-ի № 35, գրութիւնների հակառակ, Ամենապատիւ Տէր Տեղակալին ուղարկած բողոքագրի մէջ ինչպէս վերեն յիշուեցաւ. ասում է որ 3000 ռ. գումարի համար Նաբաթեանը լռում է հաշիւ չի տալիս չնայելով որ ինքը երկու անգամ դրա մասին նրան հարցումն է արել. (№ 22 և № 35 գրութիւնքը) մինչդեռ իր յիշեալ երկու գրութիւններից առ Նաբաթեանն՝ երևում է, որ նրանից պահանջւում է տիկին Վէքիլեանից յուլիսի 5 ի 1890 թ. ստացուած 2000 ռ. հաշիւը, թէ ո՞ր բանին է գտնւում և քանի՞ տօկոսով: Այդ 2000 ռ. մասին Վանձակի փոխանորդի քննութիւնը ցոյց է տալիս, որ հոգաբարձութիւնը և նրա նախագահը կամենային իմանալ տեղեկութիւն, կարէին «քաղել . . . որպէս ի հաշուէմատենէ եկեղեցւոյ, նոյնպէս և ի հաշուետետրակէ նոյն եկեղեցւոյ տպագրելոց ի 1891 ամի վասն 1890 և 1891 ամաց, որ՝ 2000 ռ. ստացեալն ի Վէքիլեան-

յէ միաւորեալ ընդ եկեղեցական գրամագլխոյն առաքեալ է յարքունի բանկն Բագուայ . . .»:

17. Հոգաբարձութիւնը որպէս զի մի կերպ արգարանայ, որ առանց գանձապահ հոգաբարձութի ներկայութեան ժողովներ է գումարում և քննում խնդիրներ երբ նրա ներկայութիւնը անհրաժեշտ է, բողոքում է թէ Նաբաթեանը թերևս 3000 ր. մասին հաշիւ չտալու համար չի մասնակցում հոգաբարձական գործերին:

Հոգաբարձութեան ներկայացրած վեց հրաւիրագրերի պատճէններից հնգի վրայ Նաբաթեանի անուան դէմը գրուած է չէստորագրել չէ եկել. իսկ մէկի վրայ նրա անուան դէմը ոչինչ չէ գրուած. որոնք իսկապէս նրա բացակայելու մասին ասացոյցներ չեն: Հոգաբարձութեանը ինչպէս երևում է բացակայ է եղել ժողովներից երբ խնդիրներ է եղել իր թեմական վերատեսչի և աւագ ուսուցիչների դէմ:

18. Հոգաբարձութեան թեմական տեսչի դէմ բողոքի մի կէտն էլ կազմում է ուսուցիչ Աբուլեանի խնդիրը, որը սակայն Յանձնաժողովս կարօտ է գտնում բացատրութիւնների:

19. Հոգաբարձութեան նախագահը բողոքում է, որ աւագ ուսուցիչների գրութեան ոճը շատ գռեհիկ է և անպատշաճ. մինչդեռ իւր առ թեմական վերատեսուչն ուղղած գրութեանց ոճը միանգամայն անսպասելի է և պաշտօնական գրութեան համար միանգամայն աններելի. Նա գրում է « . . . Ձեր գրութիւնը փետր. 4-ից № 989, գարձեալ ուղղած իմ հասցէին, որ ոչ սակաւ անպատուաբեր ոճ ունի, որը սպասելի չէր նրա հեղինակից, որը համբաւ ունի գրական աշխարհում, . . . գրում էք թէ ինձանից յանդիմանութիւն այդ մասին չէք ստացել, որպէս թէ իրաւունք էլ ունէիք, և թոյլ էք տալիս Ձեզ ասելու թէ «ես իբրև թեմական տեսուչ իմ կողմից արգելում եմ Ձեզ», յետ որոյ մի ամբողջ թերթի երես մրոտելով՝ խրատում էք աւետարանի ներողամտութիւնը ինձ յիշեցնելով և Ձեզ համար բաժին չթողնելով . . . » գարձեալ « . . . անաչառ տիրողութիւններս թող չլիրաւորեն Ձեզ բարեկրօն Հայր, միայն խնդրում են որ այսուհետև

Համեստ լինել մեր գրութեանց մէջ . . . Մենք երկուսս էլ մի նպատակի սպասաւորներ ենք (գուք փողով ես անփող) . . . Ոչ ես եմ Ձեզ ստորագրեալ և ոչ էլ գուք»։ (Ապրիլ 18. 1892 թ. № 29 Հոգաբարձութեան նախագահի գրութիւնը թեմական վերատեսչին.)։

Ամբողջ գործից երեւում է, որ Հոգաբարձութեան սուր յարաբերութիւնը դէպի աւագ ուսուցիչները, թեմական վերատեսուչը և գանձապահ Հոգաբարձուն և ամբողջ գործը իւր մէջ պարունակող խնդիրներով, ծագել է ոչ թէ դպրոցը բարեկարգելու ձգտումներից, այլ անձնական հաշիւներից, որոց մէջ ամենազխաւոր դերը կատարել է Հոգաբարձութեան նախագահը ձգտելով լրէժ լուծելու նոյն իսկ ի վնաս հիմնարկութեան այն ամեն անձինքներից, որոնք չեն համակերպել նորա ապօրինի պահանջներին և մասնաւոր շահերին։

Յանձնաժողովս որոշեց. 1. Որովհետեւ յիշեալ Հոգաբարձութեան նախագահն է արմատ և պատճառ բոլոր խռովութիւնների, ուստի դիմել առ Ամենապատիւ Տէր Տեղակալն և խնդրել արձակել Գանձակի ս. Յովհաննէս եկեղեցու տղայոց և օրիորդաց դպրոցների Հոգաբարձութեան նախագահ Գրիգոր քահանայ Թումանեանին իր պաշտօնից, իբրեւ դպրոցական գործի կանոնաւոր առաջ գնալուն խանգարողի և առ ժամանակ նրա պաշտօնը յանձնել Գանձակի առաջնորդական փոխանորդին, որ ըստ պաշտօնի ներկայացուցիչն է դպրոցների անմիջական խնամատարի— թեմական առաջնորդի, մինչև նոր Հոգաբարձական ընտրութիւնների հնարաւոր լինելը։

2. Արուլեանի խնդրի ինչպէս և կանոնադրութեան 45. յօդ. բ. սարբերութեան դէմ եղած և մի քանի այլ կարգադրութիւնների մասին պահանջել բացառութիւններ թեմական վերատեսչից։

Խմբագրութիւնս շնորհակալութեամբ ստացաւ պ. Նէոյի հեղինակութիւններից հետեւեալ գրքերը մի մի օրինակ. «Վահան Մամիկոնեան», «Իմ Յիշատակարանը», «Դաւիթ և Մհեր», «Սպանուած Հայր», «Թաթախման գիշեր» և «Վերջին Վերքեր»։